

Chnu hiya taghyirat lli wa93at f talab lewra9 dyal l2i9ama w lkhedma?



Chnu huma lewra9 dyal l2i9ama w lkhedma?

Lewra9 dyal l2i9ama w lkhedma huma wahed lwati9a (wella bita9a) lli katesme7 lik bach teb9a f Spania w katedmen lik nefis l7o9o9 lli 3and ay wahed akhur.



Kifach netlab lewra9 dyali?

Bach tetlab lewra9 dyal l2i9ama w lkhedma khas waliy l2amr dyalek yemchi l Makteb Al2ajanib li 9rib likom w i9addem talab tema. Wella momkin lmerkez dyal l9asirin lli nta fih itlab lik had lewra9 dyal l2i9ama w lkhedma.



Chnu khassni bach n9eddem talab?

Ila kan 3omrek 9el men 18 sana, bach tebda had talab ghadi te7taj ghir paspor dyalek. Ila kanet l9onsoliyya wella sifara dyal bladek makay3tiwch l paspor machi mochkil, hit almerkez dyal l9asirin lli nta fih khasso yetlab lik wahed lbita9a smitha Bita9a dyal tassjil (bel ispaniyya hiya Cédula de inspección) lli te9dar testa3melha f blast l paspor.



Chnu ghadi yu9a3 ila kan khassni njedded lewra9 dyali?

Lewra9 dyalek d l2i9ama w lkhedma fihum mudda dyal 3amin lli katabda man nhar lli dkhelti fih almerkez dyal himayat al9asirin. Ila kunti mazal 9asir yamken lik tjedded lewra9 dyalek bla ay chart w ghadi ikun fihum mudda dyal 3 snin.



Ma3lumat muhimma

Ay naw3 d lewra9 dyal l2i9ama ghadi tesmeh lik bach tekhdem ila kan 3umrek 16 sana wella kter, w ta9der takhdem f duk lakhdagayam lli kaynas7ek biha merkez himayat al9asirin. Had lakhdagayam li kaynas7ek biha merkez himayat al9asirin ghadi t3awnek bach tandamej f lmujtama3. Mnin ghadi tusal 18 sana ta9der tekhdem f ay khedma bghiti.

18+

Chnu khassni ndir mnin nusal l 18 sana?

Mnin tusal l 18 sana khassek tjadded lewra9 dyalek. Bach tjedded lewra9 dyalek khas ikon 3andek madkhol dyal 469,93 euro f chhar. Had lmadkhol momkin ikon man lkhadma dyalek wella man chi mosa3ada dyal dawla wella chi mosa3ada man ay jam3iyya khassa.

Lewra9 dyalek jdad ghadi ikun fiha mudda dyal 3amin w khassek tjaddedhum kol 3amin.

Bach tad3em talab dyalek, ta9der tetlab wahad ta9rir man markez dyal himayat al9asirin lli konti fih wella men Makteb Al2ajanib, had ta9rir fih tafasil 3la almajhod lli derti bach tandamej f lmojtama3. Fih matalan takwinat w al2anchita li derti.



Ila kan 3omri 18 sana w ma9dertch na7sel 3la lewra9 dyali?

Ila f chhar 11 man 3am 2021 kan 3umrak ma bin 18 w 23 sana w ma9dartich ta7sel 3la lewra9 dyalek wella ma9dartich tjeddedhum wella ila jeddu lik ghir lewra9 dyal l2i9ama bla lewra9 dyal lkhedma, makayan mochkil.

Te9dar ta7sel 3la lewra9 dyal l2i9ama w lkhedma b sabab do-rof istithna2iyya b nefis chorot lli 9olna man 9bel. Machi darori contra dyal lkhedma bach tetlab had lewra9.

Bach ta3raf ma3lomat ktar, tasel bina 3la ra9m lmosa3ada dyal monaddamat ln9ad Al2atfal (Save the Children): 900 90 75 23



Save the Children